

VILLA ET HORTVS

Ecce vīlla et hortus Iūlii. Iūlius in magnā vīllā habitat. Pater et māter et trēs līberī in vīllā habitant. Iūlius et Aemilia trēs līberōs habent: duōs filiōs et ūnam filiam — nōn duās filiās.

In vīllā multī servī habitant. Dominus eōrum est Iūlius: is multōs servōs habet. Ancillae quoque multae in vīllā habitant. Domina eārum est Aemilia: ea multās ancillās habet.

Iūlius in vīllā suā habitat cum magnā familiā. Pater et māter habitant cum Mārcō et Quīntō et Iūliā. Iūlius et Aemilia in vīllā habitant cum līberīs et servīs et ancillīs.

Vīlla Iūlii in magnō hortō est. In Italiā sunt multae vīllae cum magnīs hortīs. In hortīs sunt rosae et līlia. Iūlius multās rosās et multa līlia in hortō suō habet. Hortus Iūlii pulcher est, quia in eō sunt multae et pulchrae rosae līliaque.

Aemilia fēmina pulchra est. Syra nōn est fēmina pulchra, neque pulcher est nāsus eius, sed foedus est.

eōrum : servōrum

is : Iūlius


eārum : ancillārum
ea : Aemilia

-ō -ā:
in hortō, in vīllā
cum Mārcō, cum Iūliā
-īs:
in hortīs, in vīllīs
cum servīs, cum ancillīs




eō : hortō
pulcher -chra -chrūm:
hortus pulcher (m)
rosa pulchra (f)
lilium pulchrum (n)

eius : Syrae
foedus -a -um ↔ pulcher




1. ōstium
2. ātrium
3. impluvium
4. peristylum
5. cubicula
6. ōstium




eō : Iūliō

sōlus -a -um



ōstium et fenestra

ātrium



In vīllā Iūliī magnum ātrium est cum impluviō. Quid est in impluviō? In eō est aqua. In ātriō nūllae fenestrae sunt.

eō : impluviō


peristylum

etiam = quoque: etiam
peristylum = p. quoque

id; impluvium

īī (= eī) : servi
ea : cubicula

eae : ancillae

eā : Aemiliā
sine ↔ cum

Etiam peristylum magnum et pulchrum in villā est. 3
 ‘Peristylum’ est vocābulum Graecum. In villis Graecis
 et Rōmānis magna et pulchra peristyla sunt. Estne im-
 pluvium in peristylō? Id nōn in peristylō, sed in ātriō
 est. In peristylō parvus hortus est.

In villā sunt multa cubicula. Quīntus in cubiculō 35
 parvō dormit. Estne magnum cubiculum Mārcī? Id
 quoque parvum est. Iūlius et Aemilia in cubiculō magnō
 dormiunt. Ubi dormiunt servi? Iī quoque in cubiculīs
 dormiunt. Suntne magna eōrum cubicula? Ea nōn
 magna sunt, et multī servi in unō cubiculō dormiunt. 40
 Etiam ancillae multae in unō cubiculō dormiunt, neque
 eae magna cubicula habent. —

Aemilia in peristylō est. Estne sōla? Aemilia sōla nōn
 est: līberī cum eā in peristylō adsunt. Iūlius abest. Ae-
 milia sine virō suō Iūlio in villā est. Ubi est Iūlius? In op-
 pidō Tūsculō est sine Aemiliā, sed cum servīs quattuor.

H Aemilia cum Mārcō, Quīntō Iūliāque in peristylō est. Iūlia rosās pulchrās in hortō videt et ab Aemiliā discēdit. Iam ea cum Aemiliā nōn est. Aemilia eam nōn 50 videt. Puella in hortō est.

Aemilia imperat: “Mārce et Quīnte! Iūliam vocāte!”

Mārcus et Quīntus Iūliam vocant: “Iūlia! Venī!” sed Iūlia eōs nōn audit neque venit.

Iūlia puerōs vocat: “Mārce et Quīnte! Venīte! Hīc 55 multae rosae sunt.”

Puerī Iūliam audiunt, neque iī ab Aemiliā discēdunt.

Quīntus: “Carpe rosās, Iūlia!”

Iūlia rosās carpit et cum quīnque rosīs ex hortō venit.



Iūlia: “Vidē, māter! Vidēte, puerī! Vidēte rosās 60 meās!” Iūlia laeta est, rosae eam dēlectant.

Aemilia: “Ecce puella pulchra cum rosīs pulchrīs!”


Verba Aemiliae Iūliam dēlectant.

Mārcus: “Rosae pulchrae sunt; puella sine rosīs pulchra nōn est!” Verba Mārcī Iūliam nōn dēlectant!


5 Aemilia (irāta): “Tacē, puer improbe! Iūlia puella pulchra est — cum rosīs et sine rosīs.”

Aemilia
Iūlia
• •
Iūlia cum Aemiliā est
• • →
Iūlia ab Aemiliā discēdit

eōs : puerōs



Iūlia in hortō est



Iūlia ex hortō venit



Iūlia rosās carpit

iīs (= eīs) : puerīs

eās : rosās

iīs : rosīs

eās : ancillās



eoīs : puerōs

Iūlia: "Audīte, Mārce et Quīnte!"

Mārcus: "Māter nōn videt nāsum tuum foedum!"

Mārcus et Quīntus rīdent: "Hahahae!"

Iūlia: "Audī, mamma: puerī etiam mē rīdent!"

Iūlia plōrat et cum ūnā rosā ab iīs discēdit.

Aemilia: "Tacēte, puerī improbī! Nāsus Iūliae foedus nōn est. Discēdite ex peristylō! Sūmite cēterās rosās eāsque in aquā pōnite!"

Puerī cēterās quattuor rosās sūmunt et cum iīs discē-
dunt.

Aemilia, quae iam sōla est in peristylō, ancillās vocat:
"Dēlia et Syra! Venīte!"

Dēlia et Syra ex ātriō veniunt. Aemilia eās interrogat:
"Suntne puerī in ātriō?"

Dēlia respondet: "In ātriō sunt."

Aemilia: "Quid agunt Mārcus et Quīntus?"

Dēlia: "Puerī aquam sūmunt ex impluviō..."

Syra: "...et rosās in aquā pōnunt."

Hic domina et ancillae puerōs audiunt ex ātriō: Quīn-
tus plōrat et Mārcus rīdet.

Aemilia: "Quid iam agunt puerī? Age, Dēlia! discēde
et interrogā eoīs!" Dēlia ab Aemiliā et Syrā discēdit.

Aemilia Syram interrogat: "Ubi est Dāvus?"

Syra respondet: "In oppidō est cum dominō."

Dēlia ex ātriō venit et dominam vocat: "Venī, o do-
mina! Venī!"

Aemilia: "Quid est, Dēlia?"

70

80

85

90

12

- Dēlia: "Quīntus est in impluviō!"
 95 Aemilia: "In impluviō? Quid agit puer in impluviō?"
 Dēlia: "Aquam pulsat et tē vocat."
 Aemilia: "Quid agit Mārcus?"
 Dēlia: "Is rīdet, quia Quīntus in aquā est!"
 Aemilia: "Ō, puer improbus est Mārcus! Agite! Iū-
 100 lium vocāte, ancillae!"
 Syra: "Sed dominus in oppidō est."
 Aemilia: "Ō, iam rūrsus abest Iūlius!"
 Dēlia: "Age! Venī, domina, et Mārcum verberā!"
 Quid agit domina? Domina īrāta cum ancillīs ex peri-
 105 stylō discēdit.



GRAMMATICA LATINA

Accūsātīvus[A] *Masculīnum*.

- Iūlius nōn ūnum filium, sed duōs filiōs habet
 110 'Filiū' est accūsātīvus singulāris (vidē cap. III). 'Filiōs' accūsātīvus plūrālis est. Accūsātīvus: singulāris -um (nōminātīvus -us), plūrālis -ōs (nōminātīvus -i).

filiū
filiōs

-um -ōs

[B] *Fēminīnum*.

- Iūlius nōn duās filiās, sed ūnam filiam habet.
 15 'Filiam' est accūsātīvus singulāris (vidē cap. III). 'Filiās' accūsātīvus plūrālis est. Accūsātīvus: singulāris -am (nōminātīvus -a), plūrālis -ās (nōminātīvus -ae).

filiam
filiās

-am -ās

[C] *Neutrūm*.

- Villa nōn ūnum cubiculum, sed multa cubicula habet.
 20 'Cubiculum' accūsātīvus singulāris est. 'Cubicula' accūsātīvus plūrālis est. Accūsātīvus: singulāris -um (= nōminātīvus), plūrālis -a (= nōminātīvus).

cubiculum
cubicula

-um -a